

BROADCAST: 18:50 HRS

DATE: 25/ 04/ 2025

#### OFFICIAL VISITED BOP

མན་གན་གི་ རྫོང་དཔོན་ Anant Jain གི་ ཕུ་ལི་མི་ གཙོ་འཛིན་ བསོད་ནམས་ བདེ་ཆུ་ བོ་ཏི་ཡ་ མཉམ་ཆེ་ གཞན་ འགོ་བརྗེད་ ཚུའི་ བྱིག་ཏི་ རྫོང་ཐང་ - ལ་རྫོང་ བར་ན་ BOP ན་ འབྲུང་མཁན་ ས་ཅུད་ གྱི་ བྱས་ས་ལས་ བགག་ཡོད་མཁན་ འཁོར་ལམ་ གི་ གནས་གཏང་ གི་ ཞིབ་ཐུང་ བྱས་པོ་ མིན། རྫོང་དཔོན་ གི་ GREF གི་ འགོ་བརྗེད་ ཚུ་ ལོ་ བགག་ ཡོད་མཁན་ འཁོར་ལམ་ གཅོང་ཁྱ་ བྱས་ཤད་ གཡོག་ འབྲུམ་ཚུག་ ཤད་ བཀའ་ གནང་པོ་ མིན། འདི་ ལས་ གཞན་ ཁོང་ གི་ རྫོང་ཐང་ གི་ SDM ལོ་ ཡུལ་ཁའི་ བཟོ་ཤད་ companies ཚུ་ མཉམ་ཆེ་ མཐུན་འབྲེལ་ བཞག་ཏི་ འཁོར་ལམ་ ལོག་ཏི་ རང་ ཕྱིད་ཤད་ གཡོག་ ལོ་ ཤུག་ ཕྱིན་ཤད་ ངོན་ལས་ ཡོད་མཁན་ འབྲུལ་འཁོར་ ཚུ་ ཉོག་ཤད་ བཀའ་ གནང་ཡོད། འདི་ འབྲེལ་མེ་ ལ་ཆེན་ དང་ ལ་རྫོང་ ན་ ལུང་ཡོད་མཁན་ འབྲུལ་སྐོར་པོ་ ཚུ་ ལོ་ འབྲེལ་བའི་ hotel ཚུ་ ན་ ལུ་ཤད་ བསྐབ་བྱ་ གནང་ ཡོད་ ལབ་ ན་ hotel ཉོག་མཁན་ ཚུ་ གི་ ཁོང་ ཚུ་ ལུ་ཤད་ དང་ ཞེ་ཤད་ ཐུག་ཤད་ ལོང་ཐུང་པོ་ ད་ལྟུ་ སྐབ་ཤད་ ཉེན་ཉེན་ བྱས་ ཡོད། ད་ལྟུ་ སང་ཏི་ གི་ ལོན་ ངོན་བཞིན་ ག་ཏི་ སྤན་ཅན་ ཆབ་ཅན་ གནས་གཏང་ འབྲུང་བའི་ ལོན་ མེད། སྤྱོད་ ལས་ལག་ ལོ་ རྫོང་ཐང་ ལ་ཆེན་ དང་ ལ་རྫོང་ ན་ ལོང་ཐུང་པོ་ སྤྱོད་ ད་ལྟུ་ ཕྱིན་ཤད་ ལབ་ ཡོད། གཞན་ཁར་ ཉེན་ སྐད་པོ་ སྤོན་ལས་ འོང་མཁན་ ཆར་པོ་ སྤོན་པོ་ གི་ བྱས་ས་ལས་ ལམ་ བགག་ས་ལས་ མན་གན་ རྫོང་ཁའི་ རྫོང་ཐང་ ན་ ལུང་ཡོད་ མཁན་ འབྲུལ་སྐོར་པོ་ ཚུ་ ལོ་ ད་རིང་ སྤོ་བའ་ སང་ཁ་ལང་ ན་ གསར་པོ་ བཟོ་ཐུང་ ན་ Bailey ཟམ་པོ་ ལས་ སྤང་སྐྱོབ་ མཉམ་ཆེ་ རྫོང་ཁར་ ཉེན་པོ་ མིན། ད་ལྟུ་ ལོན་ ངོན་བཞིན་ ༡༠༠ ལས་ གེམ་ སྤང་འཁོར་ ཚུ་ ཟམ་པོ་ འདི་ སྐབ་ཏི་ སྤང་ཏྲོག་ སྤྱོད་ལོ་ ལོག་གོ་ མིན། རྒྱ་གར་ དམག་མི་ གི་ Trishakti Core གི་ བཟོ་མཁན་ bailey ཟམ་པོ་ འགོ་བྱི་ གདང་ཏང་ བྱས་པོ་ མིན།

#### SIKKIM LANDSLIDE

འདི་ བར་ ན་ མན་གན་ རྫོང་ཁ་ འཛིན་སྐྱོང་ གི་ ལ་ཆེན་ ལས་ རྫོང་ཐང་ འཁོར་ལམ་ གི་ ཐུན་སི་ཐང་ དང་ ལ་ཆེན་ ལས་ རྫོང་ཐང་ ལམ་ ན་ ས་ཅུད་ སྤོན་པོ་ ལོ་ ཐུག་ལོ་ བཞག་ཏི་ ད་རིང་ རྫོང་ཁ་ འདི་ སྤྱོད་ལོ་ ཕྱིན་ཤད་ ངོན་ལས་ permit ཚུ་ མན་ཕྱིན་པོ་ མིན། སྤོན་ལས་ བྱབ་སྐྱ་ ཐོན་མཁན་ permit ཐམས་ཅད་ལོ་ ལམ་སང་ བགག་ ཡོད། Tour Operator ཚུ་ ལོ་ འབྲུལ་སྐོར་ ཚུ་ ལོ་ འདི་ སྐོར་ལས་ ལོན་ ཕྱིན་ཤད་ ལུ་བ་ འབར་ཡོད། རྫོང་ཐིན་ ཁང་ མཉམ་ཆེ་ བྱོད་ཏིན་ གནང་བཞིན་ མན་གན་ གི་ རྫོང་དཔོན་ Anant Jain གི་ འདི་ འབྲེལ་བ་ ན་ གསུང་པོ་ མིན།

#### MEETING ON MONSOON PREPAREDNESS

དཔའ་སྐྱོང་ རྫོང་དཔོན་ མཉམ་ཆེ་ རྫོང་ཁ་ སྐྱོན་ངན་ ལས་ རྟུ་རམ་ གོ་ཤིང་ གཙོ་འཛིན་ Rohan Agwane གི་ Monsoon སྤོན་ལས་ ད་ལྟུ་ རྫོང་ བཟུ་ གི་ དབུ་ཁྲི་ གནང་པོ་ མིན། དཔའ་སྐྱོང་ རྫོང་ཁར་ སྐྱོན་ངན་ ལས་ རྟུ་རམ་ ད་ལྟུ་ འཛིན་སྐྱོང་ གི་ བྱང་སིབ་ ཡར་རྒྱས་ ལས་ལག་ མི་རྟུ་ མཐའ་སྐོར་ ན་ ད་རིང་ བཞག་མཁན་ རྫོང་བཟུ་ ན་ མན་འདུ་པོ་ ལས་ལག་ གི་ གཙོ་པོ་ འགོ་བརྗེད་ ཚུ་ གི་ བྱང་ལེན་པོ་ མིན། རྫོང་བཟུ་ གི་ ངོན་ཆེན་ གཙོ་པོ་ འདི་ ད་འོང་ མཁན་ Monsoon ལོ་ ལོན་མེ་ རྫོང་ཁ་ ན་ རྒྱལ་ཆེན་ བྱས་ ར་ཆ་ ཐབས་ཅད་ མཐུན་ལམ་ ད་ལྟུ་ དང་ རྐྱོན་ངན་ སྐབས་ལོ་ འབྲེལ་བའི་ གཡོག་ ཚུ་ སྐོར་ལས་ མན་འདུ་པོ་ འཛིན་སྐྱོང་ བར་ ན་ མཐུན་འབྲེལ་ གི་ གནས་ཏང་ དང་ གསར་བཟོ་ ཐབས་ལམ་ བྱས་ཤད་ ངོན་ལས་ ཐུད། རྫོང་དཔོན་ སྐུ་ཞབས་ Agwane གི་ རྒྱ་ལམ་ གཅོང་ཁྱ་ རྫོག་གོ་ སོད་ཤད་ གེམ་ མགོ་ཡིག་ སྐོར་ལས་ གསུང་ཤད་ གནང་བཞིན་ NHIDCL, འཁོར་ལམ་ དང་ ཟམ་པོ་ ལས་ལག་ PMGSY དང་ GREF འབྲུམ་མི་ མཉམ་ཆེ་ འཁོར་ལམ་ གི་ གནས་ཏང་ སྐོར་ལས་ ཡོད་ཚུལ་ གནང་པོ་ མིན། ཁོང་ གི་ འབྲུལ་འཁོར་ ཚུ་ ཡོད་མེད་ དང་ གཉོག་ཏང་ ཉུག་མཆད་ བྱས་ ཡོད་མཁན་ ཉེན་ཁ་ ཅན་ ས་གནས་ མཉམ་ཆེ་ ཤེས་ཡོན་ ལེན་པོ་ ཐུད། ཁོང་ གི་ ཟད་གོད་ དང་ མི་སར་ སྐབ་མཁན་ དང་ འབྲེལ་བའི་ ལས་ལག་ མཉམ་ཆེ་ བྱང་ཏིན་ གནང་བཞིན་ ཆར་པོ་ སྐབ་པའི་ ཉེམ་ ཚུ་ ན་ ཡོད་དགོས་ཤད་ ད་ལྟུ་ ཚུ་ སྐོར་ལས་ གསུང་ཤད་ གནང་པོ་ མིན། རྫོང་བཟུ་ སྐབས་ ན་ NHIDCL འཁོར་ལམ་ མཉམ་ཆེ་ ཟམ་པོ་ ལས་ལག་ PMGSY, GREF སྤྱོད་ PHE དང་ རྒྱ་ཆོལ་ ལས་ལག་ ལོ་ ཡོད་མཁན་ འབྲུལ་འཁོར་ གི་ ལོན་བྱས་ མཉམ་ཆེ་ དགོས་ཆད་ ངོན་བཞིན་ གཞན་མེད་ ཐབས་ལམ་ སྐོར་ལས་ ལོན་ ཕྱིན་ཤད་ བཀའ་གནང་པོ་ མིན།

#### GOVERNOR

ཐིད་སྐྱོང་ Om Prakash Mathur གི་ གསུང་ ཡོད། འབྲས་རྫོངས་ མི་སར་ གི་ organic ལ་ལུང་ གཅོང་ཁྱ་ སྐྱོན་དོན་ གེམ་ མངའ་ཐེ་ གི་ ངོས་འཛིན་ ལོ་ ཐུ་མཐུད་ ཐེ་ བཞག་ཏི་ ཡར་རྒྱས་ སྤྱོད་ལོ་ སྤོན་ལས་ རྫོང་ཐང་ མིན། ཐིད་སྐྱོང་ གི་ མི་སར་ལོ་ མངའ་ཐེ་ ཚུམ་ ཏི་ ལོ་ ༥༠ ལོ་ བྱང་ཁྱ་ དགའ་ཆོད་ དང་ མེམས་དགའ་ གི་ ཞེ་ན་ སྤང་ཆེད་ བྱས་ཤད་ བསྐབ་བྱ་ གནང་ཡོད། སྐུ་ཞབས་ མ་ཐུར་ མཉམ་ཆེ་ ཐོན་མཁན་ བཀའ་མན་ འདི་ རྫོང་ཐིང་ཁང་ སྤང་ཏྲོག་ ལས་ ད་རིང་ ཕྱིད་ཅུད་ རྫོང་ཆོད་ ༡ དང་ ཁྱ་མ་ ༣༠ ན་ གསུང་ཆུང་ ཤད་ མིན།

#### COMPREHENSIVE DRIVE ON DRUG

གཞན་པོ་ ཚུའི་ ཐ་ཐུད་ སྤང་སྐྱོབ་ དང་ མི་སར་ ལོག་ཏང་ བྱས་ཐུད་ ངོན་ལས་ དཔའ་སྐྱོང་ རྫོང་ཁར་ ཕུ་ལི་མི་ གི་ སྤྱོད་ འདི་ ན་ མང་བཞིན་ ཡོད་མཁན་ སྤན་ཉེན་ ཆར་ ཨ་རག་ ལག་ཉོད་ དང་ ཆོང་འབྲེལ་གི་ ཉེན་ཁ་ ལོ་ ངོང་ལག་ བྱས་ཤད་ ངོན་ལས་ སྤོན་པོ་ དང་ རྫོང་བ་ ཆེན་པོ་ འཆར་གཞི་ འབྲུམ་ཚུག་ ཡོད། འཆར་གཞི་ འདི་ ལོ་ March ལས་ འགོ་བཙུག་ གོ་ མིན། འཆར་གཞི་ འདིའི་ ཞབ་ཅིག་ ཞེ་ན་ ཕུ་ལི་མི་ གི་ ཉན་ཁ་ ཅན་ ས་གནས་ ཚུ་ ན་ ཏང་རྟུ་ཀང་ ཞིབ་ཐུང་ དང་ ཡོད་ཚུལ་ ལོ་ བར་བཞིན་ ཡོད། འདི་ འབྲེལ་བ་ ན་ མཐུན་འབྲེལ་ ཡོད་མཁན་ འཛིན་སྐྱོང་ གི་ སྤན་ཉེན་ ཞེ་མཁན་ ཚུ་ ལོ་ ཤེད་ཞན་ སྤན་ཉེན་ ཆག་ ལོ་ སྤྱོད་ ཡོད། འདི་ འབྲེལ་བ་ ན་ གསུང་ཤད་ གནང་བཞིན་ Station House འགོ་བརྗེད་ དང་ ཕུ་ལི་མི་ inspector Pradeep Chettri གི་ ཉེན་ཁ་ འདི་ ལོ་ བགག་ཤད་ ངོན་ཤད་ བྱིས་ བྱས་ཆད་ ཚུག་གོ་ མེ་ཐོན་ ཤད་ མིན།

## WAVES

དབུས་གཞུང་གི་གཅིག་ཀྱིས་ཀྱིས་ཀྱིས་ཀྱིས་ WAVES ལའང་མཁན་ འོང་མཁན་ ཟླ་པོ་ ཆོས་ དང་པོ་ ལས་ Mumbai ན་ བཞག་ཤང་ ཐོན་ ཡོང། འདི་ ཆོས་ ༤ ལང་མེ་ ཐོན་ཤང་ ཨིན། འདི་ སྐོར་ལས་ སྐང་ཏྲིག་ ན་ ད་རིང་ གསར་ཤོག་ ཀོ་ ལུ་ ལོ་ ལོན་ ལུ་ལ་བཞིན་ རྒྱང་ཐིན་ ལང་ གནས་ཚུལ་ འབྲས་མི་ Manas Pratim Sarma དང་ ལོན་འབྲེལ་ མཉམ་ཅེ་ མི་སར་ ཁྱབ་སྤྱོད་ ལས་ལག་ གི་ རྒྱང་ལང་ ལོན་འབྲེལ་ འདི་ ན་ འབྲས་ཚུངས་ལས་ Tamang Selo རིག་གཞུང་ ལུ་ ལུ་ལ་ཤང་ ཐོན་ ཡོང།

## INTERACTION PROGRAMME

ནམ་ཅི་ རྒྱང་ལང་ ལས་ཁུངས་ མཚན་རིག་ ལས་ཁུངས་ ན་ ཉིན་ ༢ གི་ ལ་ཁུངས་ མཚན་རིག་ མཁན་ པོ་ རྒྱལ་ཡོང་ ལས་རིམ་དང་ ༡༡ པོ་ ཞིབ་ཐུང་ རྒྱ་པའི་ རྒྱ་བཟུ་ ད་རིང་ ལས་ འགོ་བཙུག་ ཀོ་ ཨིན། ཐེ་ལི་ གསར་པོ་ གི་ Director General རྒྱུ་མཁན་ རྒྱ་པའི་ རྒྱ་བཟུ་ ICAR New Delhi གི་ ཞིབ་ཐུང་ ཡར་རྒྱས་ དང་ རྒྱབ་ཤ་ གི་ ཡོང་ཚུལ་ བྱས་ཤང་ བཞག་ཀོ་ ཨིན། ལ་ཁུངས་ མཚན་རིག་ ཞིབ་ཐུང་ board, New Delhi གི་ ཉོན་ཀོ་ Dr. P.K Chakraborty གི་ དབའི་ ན་ བཞག་མཁན་ རྒྱ་བཟུ་ ན་ རྒྱང་ལང་ ས་གནས་ མན་འདྲ་པོ་ གི་ ལ་ཁུངས་ ཐོན་སྐྱུང་ རྒྱ་པའི་ འབྲས་མི་ ལུ་ ཨོ་ལར་ ལུ་པོ་ སྤྱད་ ལུ་ ལུ་ལས་ འདི་ ན་ རང་ གི་ བདང་ལན་ བྱས་ དགོས་པའི་ བདོན་སྦྱར་ ལུ་ སྐོར་ལས་ ཞིང་པོ་ ལུ་གི་ བཞག་མཁན་ མགོ་ཡིག་ སྐོར་ལས་ མཚན་རིག་ མཁན་ ལུ་ གི་ བྱང་ཏྲིན་ ཐོག་ལས་ ལོང་སྤྱད་པོ་ རིག་སར་ དང་ ཐབས་ལམ་ ལུ་ སྐོར་ལས་ ལན་ རྒྱབ་པོ་ ཨིན།